



CONCELLO DE CAMARIÑAS

A CORUÑA

DECRETO DA ALCALDÍA

Asunto: ACEPTACIÓN DA PROPOSTA DE CONTRATACIÓN DE DUN PEÓN-CONDUCTOR DE BRIGADA AO ABEIRO DO CONVENIO ENTRE A CONSELLERÍA DO MEDIO RURAL E A ENTIDADE LOCAL, CONCELLO DE CAMARIÑAS, PARA A REALIZACIÓN DE ACCIÓNS DE PREVENCIÓN E DEFENSA CONTRA OS INCENDIOS FORESTAIS DURANTE OS ANOS 2025-2026 UNHA VEZ RESOLTO O RECURSO DE ALZADA PRESENTADO POR UN DOS ASPIRANTES.

EXPEDIENTE: 2026/E001/000008

Vista a acta final e a proposta do Tribunal Cualificador do proceso de selección, mediante oposición, dun peon-conductor ao abeiro do convenio entre a consellería do medio rural e a entidade local, Concello de Camariñas, para a realización de accións de prevención e defensa contra os incendios forestais durante os anos 2025-2026, cofinanciado parcialmente co fondo europeo agrícola de desenvolvemento rural (FEADER) no marco do plan estratéxico da política agraria común (PEPAC) 2023-2027, cuxas bases e convocatoria foron aprobadas por decreto da Alcaldía de data 23/6/2025 e publicadas no BOP número 91 do 18/05/2026.

Vista a acta do tribunal cualificador que transcribo literalmente :

”En Camariñas (A Coruña), na data e hora ao comezo indicados reúnen as persoas arriba relacionadas, ao obxecto de resolver o recurso de alzada interposto por don Jose Ismael Blanco Martinez, en data 29 de xuño de 2026, rexistro de entrada 20260000001723 contra as cualificacións outorgadas polo Tribunal cualificador do proceso para a selección dun peón-conductor de brigada para o Concello de Camariñas, no que solicita a revisión a alza da proba 2 (mangueiras) elevándoa a un 9, baseándose no feito de que a supervisión directa do exercicio recaio de forma material e inmediata no Sr. Pérez Carril, sinalando que realizou un perfecto e axustado enrolado da mangueira, garantindo a compactación exacta para que o transporte por parte dos brigadistas sexa rápido, seguro e libre de enredos en situacións de emerxencia e que dita solvencia técnica foi avaliada en primeira liña por don José Antonio Pérez Carril quen ao finalizar o exercicio ratificou de forma expresa que o seu desenrolo foi o mellor, merecedor dunha cualificación mínima de 9 puntos.

Asistindo o Presidente, a Secretaria e os vogais sinalados, declárase válida a constitución do Tribunal, para os efectos de proceder á resolución do recurso de alzada que se fundamenta nun único punto: ARBITRARIEDAD MATERIAL E ERRO NA APRECIACIÓN DA PROBA 2 ESTIRADO DE MANGUEIRAS.

Documento asinado electronicamente, pódese validar a sinatura co código indicado na marxe na <https://sede.camarinas.net>.

O código de verificación garante, mediante o cotexo na sede electrónica municipal, a integridade do documento (artigo 42.b da Lei 40/2015, do 1 de outubro, do Réxime Xurídico do Sector Público)



CONCELLO DE CAMARIÑAS A CORUÑA

Visto o disposto no artigo 13.3 do Real Decreto 364/1995, de 10 de marzo, polo que se aproba o Regulamento Xeral de Ingreso do Persoal ao Servizo da Administración Xeral do Estado sinala que “Os Tribunais e as Comisións Permanentes de Selección poderán dispoñer a incorporación aos seus traballos de asesores especialistas, para todas ou algunhas das probas, de acordo co previsto nas correspondentes convocatorias. Devanditos asesores colaborarán co órgano de selección exclusivamente no exercicio das súas especialidades técnicas”.

Neste senso, as bases de selección para contratación dun peón condutor de brigada aprobadas mediante decreto 470/2026 de data 13 de maio de 2026 e publicadas no BOP de data 18 de maio de 2026 prevén a posibilidade de que o Tribunal dispoña a incorporación de asesores especialistas para as probas que estime pertinentes, e estes limitaranse unicamente ó exercicio das súas especialidades técnicas en base exclusivamente ás cales colaborarán co órgano de selección.

Así, o tribunal contou para a realización das probas co apoio dunha motobomba e do seu condutor (José Antonio Pérez Carril DNI 32****53S) e dun capataz forestal (Ángel García González, DNI: 47****14L), persoal da Xunta de Galicia do distrito forestal V segundo resulta da acta, non sendo don José Antonio Pérez Carril o único especialista técnico que interviño na realización da proba.

Polo que respecta ao modo no que se levou a cabo o antedito asesoramento, hai que ter en conta que o mesmo foi verbal. Os membros do distrito forestal V da Xunta de Galicia, comunicaron directamente ao tribunal a **valoración final** que conferían aos candidatos, sinalando os asesores que no caso da proba de mangueira o desempeño da mesma polos aspirantes foi moi similar e conferindo a todos eles unha cualificación de 7 puntos, con independencia das apreciacións ou valoracións iniciais anteriores, puntuación esta, que foi asumida polo Tribunal.

Neste senso, hai que ter en conta que a función dos asesores técnicos cinguese, en exclusiva, a axuizar, desde un punto de vista técnico, a capacidade e preparación dun conxunto de aspirantes, e a determinar cales de todos eles son os máis aptos e capacitados para acceder ás prazas convocadas, a xuízo do órgano de selección, e conforme un principio (obxectivo) de discrecionalidade técnica que exclúe, por tanto, a arbitrariedade. Así se vén entendendo que as valoracións e as cualificacións que dan os órganos de selección aos exercicios, son da exclusiva soberanía dos mesmos, sen que o Tribunal poida ter en conta apreciacións ou comentarios que podan realizarse fora do seu seno, e neste contexto, é preciso recordar que ditos tribunais están sometidos a un deber de sxiilo profesional, que se estende ao coñecemento de datos, feitos ou circunstancias do proceso de selección, que adquiriran os seus membros, por mor da súa pertenza ao órgano colexiado e que implica que non

Documento asinado electronicamente, pódese validar a sinatura co código indicado na marxe na <https://sede.camarinas.net>.

O código de verificación garante, mediante o cotexo na sede electrónica municipal, a integridade do documento (artigo 42.b da Lei 40/2015, do 1 de outubro, do Réxime Xurídico do Sector Público)



CONCELLO DE CAMARIÑAS A CORUÑA

poidan facilitar información de tales datos a persoas alleas ao propio órgano ou tribunal de selección, polo que, de ser certas as manifestacións do aspirante sobre o traslado de información acerca das cualificacións por parte do asesor don José Antonio Pérez Carril poderían ser constitutivas dunha infracción coas consecuencias que isto supón.

O Tribunal, coa súa discrecionalidade técnica, e seguindo o criterio dos seus asesores, valorou aos candidatos atendendo aos principios de igualdade, mérito e capacidade recollidos nos artigos 23.2 e 103.3 da Constitución Española e o artigo 55 do Texto Refundido do Estatuto do Empregado Público polo que á información allea ao Tribunal á que puidese ter acceso don Jose Ismael Blanco Martinez non constitúe causa obxectiva que motive unha revisión das valoracións outorgadas,

Por todo o anterior exposto, o Tribunal acorda por UNANIMIDADE desestimar o recurso de alzada interposto por don Jose Ismael Blanco Martinez en data 29 de xuño de 2026 mantendo as cualificacións iniciais e propoñe a Alcaldía:

Primeiro.- Desestimar o recurso de alzada interposto por don Jose Ismael Blanco Martinez en data 29 de xuño de 2026 rexistro de entrada 20260000001723 por non concorrer causas obxectivas que motiven a revisión das valoracións conferidas.

Segundo.- Desestimar a solicitude de suspensión cautelar da contratación por operatividade da brigada continuando coa tramitación do procedemento.

Terceiro.- - Propoñer á Alcaldía a contratación laboral temporal do seguinte aspirante que figura en primeiro lugar na relación de candidatos aprobada definitivamente e ordenada por puntuacións totais finais:

Nº	APELIDOS E NOME	PUNTUACIÓN TOTAL
1	IGLESIAS CAAMAÑO, ROBERTO	16

Cuarto.- Propoñer á Alcaldía, de conformidade co disposto na base oitava das bases, a formalización/aprobación da Bolsa de emprego para a contratación dun peón-condutor de brigada, coa orde de chamamento de puntuación total final, de maior a menor, obtida polos aspirantes aprobados que a continuación se indica:

Orde de chamamento	APELIDOS E NOME	PUNTUACIÓN TOTAL
2	BLANCO MARTÍNEZ, ISMAEL	14
3	FERNÁNDEZ GÓMEZ, VIOLETA	7
4	LUACES CASTRO, DANIEL	7

Documento asinado electronicamente, pódese validar a sinatura co código indicado na marxe na <https://sede.camarinas.net>.

O código de verificación garante, mediante o cotexo na sede electrónica municipal, a integridade do documento (artigo 42.b da Lei 40/2015, do 1 de outubro, do Réxime Xurídico do Sector Público)



CONCELLO DE CAMARIÑAS

A CORUÑA

De conformidade co disposto na base 8ª e 9ª da convocatoria, en uso das competencias que me atribúe o art. 21 da lei 7/1985, do 2 de abril, reguladora das bases de réxime local,

ACORDO:

Primeiro: Desestimar o recurso de alzada interposto por don Jose Ismael Blanco Martinez en data 29 de xuño de 2026 rexistro de entrada 20260000001723 por non concorrer causas obxectivas que motiven a revisión das valoracións conferidas.

Segundo.- Desestimar a solicitude de suspensión cautelar da contratación por operatividade da brigada continuando coa tramitación do procedemento.

Terceiro.- Notificar a presente ao interesado de conformidade co disposto nos artigos 40 e seguintes da Lei 39/2015, de 1 de outubro de Procedemento Administrativo Común.

Cuarto.- Aceptar a proposta , realizada polo tribunal cualificador de contratación do seguinte candidato para o posto de conductor-peón de brigada, segundo a puntuación final, obtida polos aspirantes aprobados que a continuación se indica:

Nº	APELIDOS E NOME	PUNTUACIÓN TOTAL
1	IGLESIAS CAAMAÑO, ROBERTO	16

Quinto.- Aos efectos do previsto na Base 8ª da convocatoria, acéptase a proposta realizada polo tribunal e queda aprobada a Bolsa de emprego para a contratación dun peón-condutor de brigada, coa orde de chamamento de puntuación total final, de maior a menor, obtida polos aspirantes aprobados que a continuación se indica:

Nº	APELIDOS E NOME	PUNTUACIÓN TOTAL
1	BLANCO MARTÍNEZ, ISMAEL	14
2	FERNÁNDEZ GÓMEZ, VIOLETA	7
3	LUACES CASTRO, DANIEL	7

--	--	--

Documento asinado electronicamente, pódese validar a sinatura co código indicado na marxe na <https://sede.camarinas.net>.

O código de verificación garante, mediante o cotexo na sede electrónica municipal, a integridade do documento (artigo 42.b da Lei 40/2015, do 1 de outubro, do Réxime Xurídico do Sector Público)



CONCELLO DE CAMARIÑAS

A CORUÑA

Sexto: Facer público o presente decreto mediante a súa inserción no taboleiro de anuncios do Concello e na sede electrónica do Concello de Camariñas.

Camariñas, asinado dixitalmente na data que figura na marxe pola alcaldesa Sandra Insua Rial ante min, a secretaria, que asino aos únicos efectos de fe pública.

Documento asinado electronicamente, pódese validar a sinatura co código indicado na marxe na <https://sede.camarinas.net>.

O código de verificación garante, mediante o cotexo na sede electrónica municipal, a integridade do documento (artigo 42.b da Lei 40/2015, do 1 de outubro, do Réxime Xurídico do Sector Público)